

BOŠNJAČKA STRANKA

KOALICIJA „ALBANCI ODLUČNO“ – FORCA, DUA i AA

HRVATSKA GRAĐANSKA INICIJATIVA

Broj: 26-05-1/17

Datum: 26.05.2017. godina


CRNA GORA SKUPŠTINA CRNE GORE	
PRIMLJENO:	26. V 2017 GOD.
KLASIFIKACIONI BROJ:	00-61-1/17-7
VEZA:	
EPA:	
SKRAĆENICA:	PRILOG:

## SKUPŠTINA CRNE GORE

PODGORICA

Obavještavamo Vas da će na osnovu člana 187 Poslovnika Skupštine Crne Gore, ovlašćeni predstavnik Kluba poslanika manjinskih partija, poslanik Adrijan Vuksanović, postaviti pitanje predsjedniku Vlade Crne Gore na osmoj – posebnoj sjednici Prvog redovnog (proljećnjeg) zasjedanja u 2017. godini koja je zakazana za 31. maj 2017. godine.

Šef kluba poslanika,  
Mr Ervin Ibrahimović



BOŠNJAČKA STRANKA

KOALICIJA „ALBANCI ODLUČNO“ – FORCA, DUA i AA

HRVATSKA GRAĐANSKA INICIJATIVA

Broj: 26-05-1/17

Datum: 26.05.2017. godina

## SKUPŠTINA CRNE GORE

PODGORICA

Na osnovu člana 187 Poslovnika Skupštine Crne Gore, postavljam sljedeće pitanje predsjedniku Vlade Crne Gore, gospodinu Dušku Markoviću:

Poštovani predsjedniče Vlade,

U više navrata rekli ste da će Vlada imati poseban senzibilitet za razvoj lokalnih zajednica, i podsticati kapitalne i razvojne projekte u općinama, uključujući i partnerski odnos prilikom jačanja kapaciteta u korišćenju EU fondova. Međutim, činjenica je da se 2/3 općina nalazi u procesu finansijske konsolidacije, i zato se suočava sa značajnim teškoćama kad se radi o osiguravanju sredstava za sufinansiranje EU projekata. Ovaj problem postaje još značajniji ako se uzme u obzir da u sve većem broju programa općine moraju same finansirati sprovođenje projekata do momenta refundacije sredstava od strane EU, a ovo je proces koji može potrajati i godinu dana.

**Hoće li Vlada uspostaviti instrument finansijske podrške općinama u procesu pripreme i implementacije projekata finansiranih od strane EU, u kojem modalitetu i u kojem finansijskom obimu? Razmatra li Vlada mogućnost uspostavljanja određene vrste revolving fonda, iz kojeg bi općine koristile neophodna sredstva tokom sprovođenja projekata, a u koji bi ta sredstva vratile nakon refundacije od strane EU?**

BOŠNJAČKA STRANKA

KOALICIJA „ALBANCI ODLUČNO“ – FORCA, DUA i AA

HRVATSKA GRAĐANSKA INICIJATIVA

## Obrazloženje


U okviru finansijske perspektive Europske unije 2014. – 2020. godine, lokalnim samoupravama su na raspolaganju značajna bespovratna finansijska sredstva za realiziranje kapitalnih i strateški važnih projekata u interesu građana i lokalne zajednice. Također, potreba za većim ulaganjima će se pojačavati nakon pristupanja EU, kad će nam na raspolaganju biti višestruko izdašniji strukturni i kohezioni fondovi Europske unije.

Za sprovođenje svih projekata koje finansira EU, crnogorski partneri (samim tim i općine) moraju osigurati i svoje finansijsko sudjelovanje, u prosječnom iznosu od oko 15% vrijednosti projekta. Osim toga, u velikom broju programa koje finansira EU, općine moraju iz sopstvenih sredstava da predfinansiraju realiziranje projektnih aktivnosti, do momenta refundiranje troškova od strane EU; ovo je proces koji u prosjeku traje i do godinu dana.

Sve ovo predstavlja veliko opterećenje za budžete većine općina, za koje projekti iz fondova EU predstavljaju značajnu priliku koja se ne smije propustiti, ali istodobno i iziskuju dodatne finansijske napore. Podsjecam da su projekti EU od posebnog značaja za siromašne crnogorske općine, koje zbog nedostatka finansijskih sredstava imaju manje kapacitete za njihovo realiziranje.

Također napominjem da je uspostavljanje instrumenta finansijske podrške općinama za predfinansiranje EU projekata takođe definisano kao jedan od strateških ciljeva Strategije reforme javne uprave 2014. - 2020. godine.

Odgovor tražim i u pisanoj formi.

Poslanik,  
Adrijan Vuksanović  




CRNA GORA  
SKUPŠTINA CRNE GORE

PRIMLJENO:	5. VI	20 17 GOD.
KLASFIKACIONI BROJ:	00-61-1/17-7/2	
VEZA:		
EPA:		
SKRAĆENICA:	PRILOG:	

Vlada Crne Gore  
Predsjednik

Broj: 01 – 4757

Podgorica, 1. jun 2017. godine

**SKUPŠTINA CRNE GORE**  
**Gospodin Ivan Brajović, predsjednik**

Poštovani predsjedniče,

U skladu sa stavom 7 člana 187 Poslovnika Skupštine Crne Gore u prilogu dostavljam pisane odgovore na poslanička pitanja postavljena tokom Premijerskog sata održanog 31. maja 2017. godine, kako bi isti bili dostavljeni uvaženim poslanicima.

S poštovanjem,



**Klub poslanika Bošnjačke stranke, koalicije „Shqiptaret te vendosur“ (Albanci odlučno) i Hrvatske građanske inicijative**

*Adrijan Vuksanović*

Na osnovu člana 187 Poslovnika Skupštine Cme Gore, postavljam sljedeće pitanje predsjedniku Vlade Cme Gore, gospodinu Dušku Markoviću:

*Postovani predsjedniče Vlade,*

*U više navrata rekli ste da će Vlada imati poseban senzibilitet za razvoj lokalnih zajednica, i podsticati kapitalne i razvojne projekte u općinama, uključujući i partnerski odnos prilikom jačanja kapaciteta u korisćenju EU fondova. Medutim, činjenica je da se 2/3 općina nalazi u procesu finansijske konsolidacije, i zato se suočava sa značajnim teskoćama kad se radi o osiguravanju sredstava za sufinansiranje EU projekata. Ovaj problem postaje još značajniji ako se uzme u obzir da u sve većem broju programa općine moraju same finansirati sprovodenje projekata do momenta refundacije sredstava od strane EU, a ovo je proces koji može potrajati i godinu dana.*

*Hoće li Vlada uspostaviti instrument finansijske podrške općinama u procesu pripreme i implementacije projekata finansiranih od strane EU, u kojem modalitetu i u kojem finansijskom obimu? Razmatra li Vlada mogućnost uspostavljanja određene vrste rivolving fonda, iz kojeg bi općine koristile neophodna sredstva tokom sprovodenja projekata, a u koji bi ta sredstva vratile nakon refundacije od strane EU?*

***Obrazloženje***

*U okviru finansijske perspektive Evropske unije 2014. - 2020. godine, lokalnim samoupravama su na raspolaganju značajna bespovratna finansijska sredstva za realiziranje kapitalnih i strateški važnih projekata u interesu građana i lokalne zajednice. Također, potreba za većim ulaganjima će se pojačavati nakon pristupanja EU, kada će nam na raspolaganju biti višestruko izdašniji strukturni i kohezioni fondovi Evropske unije.*

*Za sprovođenje svih projekata koje finansira EU, crnogorski partneri (samim tim i općine) moraju osigurati i svoje finansijsko sudjelovanje, u prosječnom iznosu od oko 15% vrijednosti projekta. Osim toga, u velikom broju programa koje finansira EU, općine moraju iz sopstvenih sredstava da predfinansiraju realiziranje projektnih aktivnosti, do momenta refundiranja troškova od strane EU; ovo je proces koji u prosjeku traje i do godinu dana.*

*Sve ovo predstavlja veliko opterećenje za budžete većine općina, za koje projekti iz fondova EU predstavljaju značajnu priliku koja se ne smije propustiti, ali istodobno i iziskuju dodatne finansijske napore. Podsjecam da su projekti EU od posebnog značaja za siromašne crnogorske općine, koje zbog, nedostatka finansijskih sredstava imaju manje kapacitete za njihovo realiziranje.*

*Također napominjem da je uspostavljanje instrumenta finansijske podrške općinama za predfinansiranje EU projekata takođe definisano kao jedan od strateških ciljeva Strategije reforme javne uprave 2014. - 2020. godine.*

*Odgovor trazim i u pisanoj formi.*

## **ODGOVOR**

Uvaženi poslaniče Vuksanoviću,

Poznato je da se veći dio lokalnih samouprava nalazi u procesu finansijske konsolidacije koji prilično optereće njihovu sposobnost da uspješno ostvaruju svoje razvojne potrebe. A bez pomoći države ta razvojna komponenta bila bi ozbiljno ograničena, ili bi čak bila ugrožena.

Naime, lokalne samouprave u Crnoj Gori su od 2007. ostvarile podršku iz Instrumenta prepristupne podrške u vrijednosti od 46,6 milion eura, i to 37,7 miliona eura kroz 21 infrastrukturni projekt iz nacionalnih programa, i 8,9 miliona eura kroz 46 projekata prekogranične i transnacionalne saradnje.

Istovremeno, kako ste i sami rekli, crnogorskim opštinama u okviru finansijske perspektive Evropske unije za period 2014-2020, na raspolaganju su značajna bespovratna sredstva za realizaciju kapitalnih i drugih važnih projekata.

Imajući to u vidu, Programom rada Vlade planirali smo da Ministarstvo finansija do kraja drugog kvartala 2017. godine pripremi Predlog Zakona o izmjenama i dopunama Zakona o finansiranju lokalne samouprave.

Planiramo, dakle, da uspostavimo fond čija je svrha stvaranje mogućnosti da se opštinama u vidu pozajmice opredijele sredstva neophodna za predfinansiranje projekata koji se finansiraju iz sredstava Evropske unije. Imajući u vidu opravdanost ovog pristupa, nakon usvajanja Zakona o izmjenama i dopunama Zakona o finansiranju lokalne samouprave, biće osnovan fond koji će funkcionisati po takozvanom revolving modelu o kojem ste govorili

Zajednica opština Crne Gore, tokom dijaloga sa ministarstvima javne uprave i finansija, dostavila je procjenu da su za funkcionisanje revolving fonda potrebna sredstva u iznosu od dva miliona eura, a takav zahtjev iskazan je na temelju procijenjene vrijednosti aktuelnih projekata, i dinamike kojom će se oni realizovati.

Modaliteti funkcionisanja tog budućeg instituta već se razmatraju u Ministarstvu finansija. Pojasniću da je uslov za korišćenje ovog fonda prethodno potpisani ugovor između opštine i Ugovornog tijela Evropske Unije koje je finansijer projekta. Sredstva će biti izdvojena na posebnom računu kod Ministarstva finansija. Kada se odobri projekat, i kad njegova realizacija otpočne, postoji praksa da Ugovorno tijelo poslije prvog evaluacionog perioda refundira sredstva za taj period, i avansira sredstva za nastavak projekta. Shodno tome, lokalna samouprava koja je korisnik, pozajmljena sredstva vraćala bi u revolving fond u relativno kratkom roku, što optimizuje korišćenje ove mogućnosti i čini je dostupnom većem broju opština.

Procjena Zajednice opština da je za revolving fond potrebno dva miliona eura, naišla je na pozitivno mišljenje i odobravanje Ministarstva finansija, i vjerujemo da će ta sredstva biti

dovoljna za aktuelne projektne zahtjeve. Inače, da Vas obavijestim, ministar finansija je veoma raspoložen kada su u pitanju zahtjevi koji dolaze iz opština iako sam ja nekada veoma skeptičan u odnosu na te zahtjeve, ali, naravno, poštujem ono što je njegov pristup i njegov profesionalni stav.

Podijeliću sa Vama podatak da će za nacionalne programe IPE, Evropska unija u periodu 2014-2020 za Crnu Goru izdvojiti 270,5 miliona eura, što je 10% više sredstava u odnosu na prethodni sedmogodišnji okvir.

Nadalje, ukupna vrijednost 9 programa teritorijalne saradnje u kojima mogu učestvovati i lokalne samouprave u periodu 2014-2020, iznosi 860 miliona eura.

To su, dakle mogućnosti koje nam stoje na raspolaganju i koje su zaista velike i zbog toga Vlada stvara pretpostavke za veću dostupnost projekata EU, i zato želim da naglasim da ćemo pažljivo razmatrati i potencijalnu potrebu za novim ulaganjima u revolving fond, jer vjerujem da će se ona pojaviti nakon ulaska u Evropsku Uniju, kad će nam biti na raspolaganju i višestruko izdašniji evropski razvojni fondovi.

Dakle uvaženi poslaniče, sredstva koja evropski fondovi nude crnogorskim opštinama, snažno doprinose realizaciji infrastrukturnih projekata, pružanju podsticaja za razvoj industrije i zapošljavanja, unapređenju energetske efikasnosti, zaštiti životne sredine, izgradnji saobraćajnica, jačanju turističkih kapaciteta, kao i unapređenju kulturne i prirodne baštine.

Dalji razvoj opština jedno je od najvažnijih pitanja ukupne Vladine politike. Svjesni smo ne samo značaja ulaganja u kapitalne projekte i infrastrukturu iz državnog budžeta, već i potrebe jačanja kadrovskih i finansijskih potencijala lokalnih samouprava kako bi one izgradile sposobnost za pristup razvojnim mogućnostima. Ovo smatram veoma važnim elementom ukupnih naših napora u dijelu ove politike.

Ne samo kroz uspostavljanje odgovarajućeg instrumenta za predfinansiranje projekata, već i kroz obuke lokalnih službenika, i podršku mreži opštinskih projekt-menadžera, Vlada podstiče i podržava aktivnosti čiji je cilj priprema kvalitetnih projekata i korišćenje sredstava iz EU fondova, a kroz sve to i brz i održiv razvoj crnogorskih opština jer nam je to neophodno za naš ukupan društveni razvoj

Hvala Vam.